

سروش

سر ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لاق مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

سزى رابطة لك اك متينى ايله برلشديرمش اولان دين قارداشلىغى برطرفه براقه حق ايسه كز ، نعوذ بالله ، هيمز ايچون خسران ميين محققدر .

محمد عاكف

مدافعات دينيه

حق و حقيقت

دورقور دوزينك اهميت علمينده كى اسنادانه قارشى ربه

۹

تكميله من بوراده تمام اولدى . شمدى - دوزى ، جودت - مفترياتنك تعقيبنه باشلايورز . برى طيشيمزدن ، ديكري ايچمزدن اولان شوايكي غرضكار اسلام بوراده كويا انصافه كلهرك اقرار مأول طرزنده شوافادهي درميان ايديورلر :

« بوآنده محمد حسن اعتقاد اوزره ايدى . بوندن اصلا شره ايديله من . كنديسى كشفلرينه و مأموريت قدسيه - نه محكم وصيبي اوله رق اعتقاد ايديورلردى . عادى بريالنجى مليونلرجه انسانلر قبول ايتديكي و برآين جهاني اولان بردين تأسيس ايتكه مقتدر اوله ماردى . متين وصمحي براطمينانه مالك اولفسزى محمد (مسلم) اون سنه دن زياده برمدت كنديسى بگلهين تحقيقات ومهايكه قارشى قويا مازدى . »

اثر معهودك حاوى اولديني اسنادات ايچنده برعدد اولسون طوغرويه شديه سوز بولمغه اوغراشانلر وار ايسه يالكز بوافادهي مثال كوستره بيليرلر . حالو كه بر مقتضاي غرض علاوه اولونان بر قيد ايله بوده طوغرولقدن صد مرحله اوزاغه آتلشدر . قيد ديديكمز شى ده اك باشده كي « بوآنده » تعميري اوله جنى امر آشكاردر . نصل كه ۴۰ نجى صحيفه ده بوراده ايا ايله كچديكي اسناد باطلى بروجه صراحت درميان ايتشيدى . نقلنى بورايه تأخير ايتمش اولديغ اوراده كي عباره شوندن عبارتدر :

« بوندن شونديجه چيقاركه محمد حياتنك صوك دورنده مرسلينه حالا اينايورمى ايدى ، يوقسه اينايورمى ايدى ؟ بونى بيلمك محالدر . بونى نفي ايدن دليللر موجود اولديني كي تصديق ايدن دليللر ده موجوددر و بوايكي دلائل قوتجه هان هان يكديكرينه مساويدر . »

ايشته كوروليوريا ! بوغرضكارلر بعضاً صورت حقندن كورونهرك بويله بر طاقم آنترقه لر يوروتلك ايسته بورلر . اك طوغرو سوز قياس اولنان اعتراف نفاقپورانه لرى ده بويوك بر تجاوز اولديني آز ملاحظه ايله ميدان علانيته چيقيور . جرأتك ذروه بالاسنه ارتقا ايله سلطان ذى شان انيا افنديمز حضرتلرينه (حاشا وكلا) ارتداد ، رجوع عن الاعتقاد اسنادينه قدر واريورلر . كندى رسالتك حق اولديغى اولجه بيلير و صورت صميانه ده اعتقاد ايديورمش ده صوكرا دور اخير


حياتلرينه طوغرو بوندن رجوعله « حاشا ثم حاشا » ساخته كارلغه باشلامش . بومفتريلرك شناعت مزبور لرى طائفة يهودك مشاهده ايتمش اولدقلى معجزات جليله لرى سحره حمل ايدرك حضرت داود ع . م ايله حضرت سليمانك كفر وارتدادلرينه قائل اولملرى كي شناعتك اك فاحش نوعندن اولديني هويدادر .

بر دفعه اورته قويدقلى منطقسز لغه باقكزده حيران اولوكز . بو حريفلر - بالاده كي اعترافلرينه نظراً - مليونلرله انسانلر قبوليله مفتخر اولدقلى بر دين مقدس وعالى مؤسس والاشانك حين تأسيسده يالانجى اولق امكانى ذهنلرينه قبول ايتديره مدكلى حالده مظفريت كامله احرازينه موفق بيورلدقن صوكرا كنديسنك يالانجى اولديغنه معتقد بولنه بيله چكنى وجدانلرينه صيغديريورلر . هر عال بالبداهه اعتراف ايدر كه بوندن صاحبه بر تناقض اوله ماز . نصل كه بوزمانه قدر بويله بر سوز تفوهي فرد واحدن روایت ايدلمش دكلدر . ذره بدر ادراك واذعانه مالك اولان بر انسان طرفندن تصور اولنه بيليرمى كه حين تأسيس و تبليغنده محق وصادق بولنان ومحضا بوسايه ده مظهر توفيقات صمدانيه بيوريلان عين ذات ، عين مسئله ده مؤخرأ كاذب ومبطل اولسون . مدعى وادعاده اصلا تبدل واقع اولماديني حالده صدق ايله كذب اجتماع ايدنه بيلسون . اكر شو اجتماعي جائز كورن شخص اعتقاد تناقضدن عارى عد اولنورسه قيامته قدر دنيا ده تناقضه مثال بولق احتمالي قالماز . اويله لاقيرديمي اولور . طوغرو سوز هروقت طوغرودر . يالانده هر زمان يالاندر . مرور زمانك صدق وكذب تحقنده تأثيري اولورمى ؟


« بونى نفي ايدن دليللر موجود اولديني كي تصديق ايدن دليللر ده موجوددر ، بوايكي نوع دلائل قوتجه هان هان يكديكرينه مماثلدر . بناء عليه تعيين حقيقت محالدر » كي غرضكارانه سوزلرله بو حقيقت قطعيه خللدار اوله بيليرمى ؟ بر حكمك ثبوتنه دلالت ايدن دليل ميدانده طوروركن ينه او حكمك انتفاسنه دال اوله حق باشقه بر دليل بولنسون ، يكديكرينه مقابل دليللر متعدد ، همده قوتجه مماثل بولنسونده بوندن طولاني تعيين حقيقت محالات عقليه دن عد اولنسون ؟ هيچ بوقدر منطقسزلق اولورمى ؟

ثبوت حقيقت ، پيامبر ذى شان افنديمزك ارتكاب كذبدين عارى ومقدس بولمسنه دال اولان ، مفتريلرجه بيله شاين اعتقاد كورولن دليللر يوقاريكي كلاملرنده مصر حدر . بونك خلافة دلالت ايدمك ، دلائل دكل ، بر دانهك دليل كوسترمك امكانى يوقدر . « بونى نفي ايدن دليللر موجود اولديني كي تصديق ايدن دليللر ده موجوددر » ديه تسويد اوراق قولاي برشيدر ؛ انجق خلاف حقيقتنه دال دليل واحد اقامه سندن عاجز قالنيرسه اووقت محرر بحق « مفترى » لك صفتي اكتساب ايتزمى . ثبوتى متيقن اولان بر شيك زوالى شك ايله ، توهم ايله دكل ، انجق برهان قطعى ايله بيلنه چكى حالده بوراده مورث شك اوله حق ادنى بر سبب ارائه سى بيله قابل دكلدر .

ایسه بحسب الزمان مصالح عبادك اختلافیه متناسب بر صورتده وضع احكام دخی اویله جه حکمته مستنددر .
نسخ نقلاً ده جائزدر : اخواتله استمتاع آدم علیه السلام زماننده حلال ایدی ، صوکره بو حکم نسخ ایدلدی . ختان حضرت ابراهیم شریعتده جائز ایکن موسی علیه السلام شریعتده واجب اولدی .
اختین بیئنی جمع شرع یعقوب علیه السلامده جائز ایدی ، صوکره شریعت احمدیهده مفسوخ اولدی .



بعض اقوام غیر منشرعه نسخی قبول ایتزلر . مثلاً علمای عیسویه نسخی قبول ایتدکاری حالده علمای یهود نسخی قبول ایتیمورلر . عقلاً و نقلاً دلیل ایراد ایدیورلر ، دیورلرکه : نسخ یا بر حکمته مبنیدر ، یادکلدر ؛ اگر ظهور حکمته مبنی ایسه باری تعالی بهدا وجهل لازم کلیر . چونکه انسانلرک بویله بر حکمه محتاج اوله جقلریخده الله بیلیموردی ده بر زمان صوکره دیدیکندن رجوع ایتدی ، دیمک اولور . و اگر ظهور حکمته مبنی دکل ایسه نسخ عبث اولور . بزدرز که : نسخ البته بر حکمته مستنددر . جناب باری او حکمک نه زمانه قدر جاری اولاجغنی و اوندن صوکره نه کی مصالحک ظهوریله نه کی احکامک لزوم و وجوبی ده بیلوردی . اولکی احکامک نسخی ، عباده قارشی او حکمک ختامی بیاندر ، یوقسه رجوع دکلدر . مصالح عبادك بوباده کی اختلافی ذاتاً علم باری محیط اولدیغندن بدا وجهل ده لازم کلر ، چونکه علم الهینک تجددی محالدر . خارجه او حکمک تبدیلی باعث بر حکمت و منفعت موجود اولدیغندن اشبو نسخ عبث ده اولماز ؛ چونکه خارجه حکمک تبدیلی موجب بر منفعت موجود و ثابتدر ، اگر بویله بر منفعت موجود اولماسایدی اووقت نسخ عبث اولوردی .
ادله نقلیهلری ایسه شائبه تحریفدن مصون اولمایان توراتلرینه راجعدر . بزجه اهمیتی یوقدر .



دراپهرك بیاناتنه کوردهده تعلم پیغمبری مناقشه سنه ابتدار ایدلم : بورایه قدر اولانلر مقدماتدن عبارت ایدی ، اصل مسئله یه شمدی کیریشیورز ، دقت بیورولسون که : بزجه کله ایله دراپهري یکدیگرینه مرداف کی عد ایتدک ؛ دراپهري ، دینلجه هه کله ده خاطره کله لیدر . هه کله ک مقاله سی مجمل ایدی ، دراپهرك بیاناتی اونی تفسیر ایتدی ، بناء علیه دراپهري ویریلن جوابلر هه کله دخی جوابدر .
بحیرا ایله اولان ملاقات بی مسئله سنده دراپهرك بیاناتی اوج نقطه دن رده شایاندر ؛ برنجیسی : صورت ملاقاتدر که دراپهرك دیدیکی کی دکلدر . ایکنجیسی : دراپهري « بحیرانک تلقیناتندن حضرت پیغمبر متأثر اولدی » دیور ، که بوده یا کاش . اوچنجیسی : « حضرت پیغمبرک باشقه دفعه لرده سورییه سیاحتی اولدیغنی ظن اولونابیلیر » دیور ، که بوراسی ده طرفزدن ایضاح اولنه جقدر .

رسول اکرم افندیمر حضرتلرینک موفقیت تامه احراز بیورمش اولدقلری زمانه قدر ملحدلر نظرندده دخی قطعی الثبوت اولان ایمان و اعتقادلرندن مؤخرأ رجوع ایلدکارینی تأیید ایده جک ، هیچ اولمازسه ایهام ایلیه جک بر قول و یا اویله بر فعل اورتیه قونولمالی که ادعای غرضکارانه لریخی ترویج ایتک قابل اوله بیلسون . حالبوکه بویله بر ادعایه اصلاً یناشه میورلر . بوجهتی بالکلیه مهمل بر اقیورلرده یالکیز اسناد و افترا ایله دعوی قزانغه چالیشیورلر .

مناسرتلی اسماعیل حق

اسلامیت حقنده

هه که لك مقاله سی مناسبیدر (تعلم نبی) ارعانه ربیه

— ۴ —

نسخ مستدرسی :

نسخ - لغة : بر شیئی قالدیروبدده آنک یرینه باشقه برشی قومعه دینیر ؛ اصطلاح اصولیونده : بر حکم شرعینک خلاقی اوزرینه دلیل شرعی متراخینک دلالت ایتمه سنه دینیر .
نسخک محلی احکام فرعیه در . احکام اعتقادیده ، وقایعه دائر اخبارده ، احکام حسیه ده ، احکام عقلیه ده ، توقیت و تأیید قیدیه مقید اولان احکام عملیه ده نسخ جریان ایتز .
زیرا اعتقاداتک بر زمانده باشقه ، دیگر زمانده باشقه درلواولمه سی ، کذلک اخبار و تواریخ سالفک و امور مستقبله نك بر پیغمبره باشقه ، دیگرینه باشقه درلو خبر ویرلمه سی ممکن اولماز . چونکه او زمان کذب علی الله لازم کلیر ، که باطلدر .
احکام حسیه و عقلیه ده ایسه نسخه احتیاج یوقدر . چونکه کوزله کورونیور . مثلاً « آتش محر قدر » ، بوکا بر نسخ وارد اولوبده « آتش محرق دکلدر » دینیه من . محل نسخ حکم شرعی فرعیدر .

نسخ عقلاً و نقلاً جائزدر :

عقلاً جائزدر ؛ زیرا اشعریه و عامه اهل حدیث مذهبنده اولدینی کی اگر منافع عباد ، احکام شرعییه علت و باعث دکل ایسه غنی عن العالمین اولان جناب الله دیلدیکنی یاپار ، ایستدیکنی کی تصرف ایدر ، هیچ بر حکمته و مصالحته باقمسزین وضع ایتدیکنی احکامی تبدیل و تغییر ایلر .

اگر مذهب جمهورده اولدینی کی منافع عباد ، احکام شرعییه علت و باعث ایسه اوقاتک اختلافیه مصالح عباد دخی مختلف اولاجغندن و هر نه قدر ایلری ده مصالح عبادك تخاف ایده جکنی بزبیله من ایسه کده خیر و قدر اولان جناب بارینک علمی بونی محیط ولدیغندن ، بو نقطه نظرندن احکام شرعیه نك تبدیل و تغییری جائز اولور . ناصل که امرجه و ازمانه کوره باشقه باشقه ادویه استعمالی بر حکمته مستند